

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

**Broj: T04 0 KT 0055645 23
Zenica, 28.01.2025. godine**

**OPĆINSKI SUD U VISOKOM
Sudija za prethodno saslušanje
VISOKO**

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

1. **DŽ.M.**, *neosuđivan*,
2. **K. E.**, *prema vlastitoj izjavi neosuđivan*,

Što su,

Tokom mjeseca novembra 2023. godine u V., K. E. na tačno neutvrđenom mjestu u krugu preduzeća „A...“ u mjestu Č., suprotno odredbama člana 6a), Kategorija A. i člana 6b) stav 1. tačka a1), Zakona o nabavljanju, držanju i nošenju oružja i municije-prečišćeni tekst („Sl. novine Zeničko-dobojskog kantona“ br. 09/13), držao poluautomatsku pušku serijskog broja ..., model M59/66, kalibra 7,62 mm i automatsku pušku serijskog broja ... sa metalnim magacinom, model M70 AB2, kalibra 7,62 mm, iako je znao da je građanima zabranjeno držanje takvog oružja, a potom te dvije prethodno opisane puške tačno neutvrđenog dana u mjesecu novembru 2023. godine predao Dž. M. koji ih je držao sve do dana 14.11.2023. godine, također znajući da je zabranjeno držanje takvog oružja, a koje oružje su pronašli policijski službenici PS V. u vozilu marke „S.“ registarskih oznaka ..., vlasništvo Dž. M. koje se nalazilo parkirano u krugu preduzeća „A...“ d.o.o. u V., prilikom vršenja pretresanja po Naredbi Općinskog suda u Visokom broj ... od 14.11.2023. godine i za koje su izdali Potvrdu o privremenom oduzimanju predmeta broj ... od 14.11.2023. godine,

Dakle, držali oružje čija nabavka građanima uopće nije dozvoljena,

Čime su počinili krivično djelo nedozvoljeno držanje oružja ili eksplozivnih materija iz člana 371. stav 1. KZ F BiH.

U smislu člana 78. KZ BiH predlažem da se trajno oduzmu poluautomatska puška serijskog broja ..., model M59/66, kalibra 7,62 mm i automatska puška serijskog broja ... sa metalnim magacinom, model M70 AB2, kalibra 7,62 mm koje su oduzete po Potvrdi o privremenom oduzimanju predmeta PS V. broj ... od 14.11.2023. godine, jer su upotrijebljene za učinjenje krivičnog djela, trenutno pohranjene u PS V..